

道德真經衍義手鈔卷之十六

五華清安逸士王守正集

以正治國章第五十七

以正治國以奇用兵以無事取天下

衍義云孟子曰一正君而國定矣

鈔孟子離婁上章文也孟子曰人不足與適也政不足間也惟大人為能格君心

之非君仁莫不仁君義莫不義君正莫不正一正君而國定矣

衍義云三略九奇靜難息寇武之功也

鈔三略者漢留侯張子房於下邳地橋過

黃石公授以三略曰子得之必為帝王之師亦機鈴用兵之術也子牙用之佐武王

尅商伐紂而成王業子房用之佐漢祖滅項籍而有帝國故人主深曉上略則能任

賢擒敵深曉中略則能御將統眾深曉下略則能明威衰之源審治國之紀人臣深

曉三略則能全功保身九奇者黃帝因井田以制兵開方九焉五為陣法四為間地

虛其中大將居焉諸葛孔明推演其法陣

間容陣隊間容隊以前為後以後為前進無速奔退無遠走擊頭則尾應擊尾則頭應擊中央則兩頭俱應此桓溫為常山蛇勢也大凡兵法多尚奇變自一至九如循環無端不可終窮

吾何以知天下其然哉以此天下多忌諱而民彌貧

衍義云若秦法偶語者棄市

鈔通鑑云始皇三十四年丞相李斯上書

云臣請史官非秦記皆燒之非博士官所

職天下有藏詩書百家語者皆詣守尉雜

燒之有敢偶語詩書棄市以古非今者族

衍義云唐武后開告密之門人皆重足屏息莫敢交言道路以目

鈔唐武后光宅元年三月太后置銅匱受密奏

之反疑天下多圖己又自以文專國事內行

不正知宗室大臣怨望不服欲大誅殺以威之乃威開告密有告密者給馬供食使

官無實者不問於是四方告密者蜂起民多利器國家滋昏人多伎巧奇物滋起法今滋彰盜賊多有

衍義云則必有機心

鈔莊子天地篇之文云子貢南遊於楚過

漢陰見一丈人方將為圃畦鑿隧而入井抱甕而出灌捐潄然用力甚多而見功寡

子貢曰有械於此一日浸百畦用力甚寡而見功多夫子不欲爭為圃者仰而視之

曰柰何曰鑿木為機後重前輕乎水若抽

飲如洙蕩其名為樞為圃者忿然作色而

笑曰吾聞之吾師有機械者必有機事有

機事者必有機心機心存於胸中則純白

不備純白不備則神生不定神生不定者

道之所不載也吾非不知羞而不為也

衍義云謂刻鏤彫琢

鈔莊子天道篇之文云覆載天地刻彫衆

形而不為巧此之謂天樂

衍義云若紂王之作奇伎淫巧以悅婦人

之類

鈔尚書泰誓下云武王曰今商王受作威殺戮毒痛四海崇信姦回放黜師保屏棄典刑囚奴正士邪社不修宗廟不享作奇伎淫巧以悅婦人上帝弗順降時喪爾其效效秦予一人恭行天罰

衍義云小則盜鈞而大至於竊國矣若田成子一旦弑齊君而盜其國

鈔莊子胠篋篇云何以知其然彼竊鈞者誅竊國者為諸侯然而田成子陳性也一且殺齊君而盜其國所盜者豈獨其國耶

并與其聖知之法而盜之故田成子有乎盜賊之名而身處堯舜之安小國不欺非大國不敢誅十二世有齊國

衍義云李斯說二世行督責之術以弭盜鈔通鑑秦二世二年冬二世數誚讓李斯

居三公位如何令盜如此李斯恐懼重爵祿不知所出乃阿二世意以書對曰夫聖主者必能行督責之術者也故申子曰有天下而不恣睢命之曰以天下為桎梏者無他焉不能督責而顧以其身勞於天下

之民若免禹然故謂之桎梏夫不能修申韓之明術行督責之道專以天下自適也而徒務苦形勞神以身徇百姓則是黔首之役非富天下者也何足貴哉故明主能行督責之術以獨斷於上則權不在臣下

然後能滅仁義之塗絕諫說之辯力有爭是也然行恣睢之心而莫之敢逆如此羣臣百姓救過不給何變之敢圖二世說於是行督責嚴稅民深者為明吏

殺人多者為忠臣刑者相率於道而死人日成積於市秦民益駭懼思亂

衍義云漢武帝以張湯趙高定律令鈔通鑑漢武帝建元五年上以太中大夫張湯中大夫趙高共定律令令務在深文拘守職之吏湯傳作見知法吏傳相監司

用法益刻自此始出題

故聖人云我無為而民自化我無事而民自富我好靜而民自正我無欲而民自樸

衍義云若免齊淵默乎法宮之中垂拱示天民之阜

鈔揚子問道篇之辭云在昔虞夏襲堯之爵行克之道法度彰禮樂著垂拱而視天民之阜也阜富也垂衣拱手於巖廊之上而視天民之自阜也

衍義云文武不識不知而順帝之則垂衣拱手而天下治

鈔毛詩大雅皇矣篇之辭云帝謂文王予懷民德不大聲以色不長夏以革不識不知順帝之則

衍義云若曹參為漢相惠帝怪其不治事鈔漢書傳中之言義中引之已備不復重錄

其政問閭章第五十八

禍兮福所倚福兮禍所伏

衍義云福隱於禍中者若列子載宋人有好行仁義鈔列子說符篇中所載義中已備不復重錄

衍義云禍藏於福中者若列子載虞氏梁之富人也

鈔列子說符篇所載義中已備不復重錄是以聖人方而不割廉而不剋直而不肆光而不耀

衍義云書曰直而溫

鈔尚書皋陶謨之辭云皋陶曰都亦行有

九德亦言其人有德乃言載采來禹曰何

皋陶曰寬而懷寬柔也柔而立立立也立而恭恭恪也恭而敬敬也敬而和和也和而柔柔也柔而直直也直而溫溫也溫而簡簡也簡而廉廉也廉而剛剛也剛而塞塞也塞而強強也強而義義也義而影影也影而彰彰也彰而著著也著而明明也明於身而又始終有常其吉士也

○ 治人事天章第五十九
夫唯嗇是謂早服早服謂之重積德重積德則無不克無不克則莫知其極莫知其極可以有國

衍義云孟子曰存其心養其性所以事天也

鈔孟子盡心章向上之辭注存謂德而不害事則事而不可不達也
衍義云至德者火不能熱水不能溺

鈔列子黃帝篇之辭都無所愛惜都無所畏忌入水不溺入火不熱斫莛無傷痛指撻無痛癢乘空如履實寢虛若處林雲霞不礙其視雷霆不亂其聽美惡不滑其心山谷不躓其步神行而已

衍義云昔庚桑子居羽山之顏

鈔莊子庚桑楚之文昔庚桑子姓庚名楚居羽山之顏山名在義中引之已全不復重錄

○ 治大國章第六十
以道莅天下其鬼不神

衍義云鳥獸魚鱉至於咸若則鬼神亦莫不寧

鈔尚書伊訓戒太甲嗣王之辭也曰嗚呼古有夏先后方懋厥德罔有天災山川鬼神亦莫不寧皇天降災假手于其子孫

弗率不率先皇天降災假手于我有命造攻自鳴條鳴條夏所宅也朕哉自亳亳此由桀徙於湯也

衍義云春秋魯莊公三十二年有神降於

莘

鈔春秋魯莊公三十二年義中已全不復重錄

衍義云襄公三十年鄭人殺伯有

鈔春秋襄公三十年鄭人殺伯有至昭公

七年子產立公孫洩及良止以撫之洩子良止伯有之子立二人為大夫以安子孔伯有之鬼乃止子大叔

名游吉問其故子產曰鬼有所歸乃不為厲及子產適晉趙景子問焉曰伯有猶能為鬼乎子產曰能人生始化曰魄始化也既

生魄陽曰魂用物精多則魂魄強官備物之精多則魂魄強是以有精至於神明

所以養此精至於神養此鬼至於明匹夫匹婦強死其魂魄猶能依憑於人以為怪厲况良霄之名我先君穆公之胄子良之孫子耳之子從政三世矣而三世執其政柄能為鬼不亦宜乎

衍義云唐武后時武三思賈二妻

鈔左傳所載義中已全不復重錄

大國者下流章第六十一

道

大國者下流天下之交天下之交牝牝常以靜勝牡以靜為下

衍義云若民皆樞抱其子而至者也

鈔論語子路第十三之辭云樊遲請學稼

子曰吾不如老農請學為圃曰吾不如老子曰吾不如老圃請學為圃曰吾不如老圃

樊遲遲出子曰小人哉樊須也上好禮則民莫敢不敬上好義則民莫敢不服上好信則民莫敢不用情夫如是則四方之民皆襁負其子而至矣焉用稼

或下以取或下而取

衍義云齊宣王問曰交鄰國有道乎孟子對曰有

鈔孟子梁惠王章句下之辭云孟子對曰有惟仁者為能以大事小故湯事葛孟子滕文公章句下云孟子曰湯居亳與葛為鄰葛伯放而不祀湯使人問之曰何為不祀曰無以供犧牲也湯使遺之牛羊葛伯食之又不以祀湯又使人問之曰何為不祀無以供粢盛也湯使亳眾往為之耕老弱饋食葛伯率其民要其有酒食黍稻者

奪之不授者殺之有童子以黍肉餉殺而奪之書曰葛伯仇餉此之謂也

文王事昆夷主時大雅詩文王之與本由昆夷開非族放夫行進先惟智者為能以小事大故大王王同祖大事種當此秋之強

此梁惠王章句下云滕文公問曰滕小國也竭力以事大國則不得免焉如之何則

可孟子對曰昔者大王居邠狄人侵之事之以皮幣不得免焉事之以犬馬不得免焉事之以珠玉不得免焉乃屬其耆老而告之曰狄人之所欲者吾土地也吾聞之也君子不以其所養人者害人二三子何患乎無君我將去之去邠踰梁山邑于岐山之下居焉邠人曰仁人也不可失也從之者如歸市又引勾踐事吳勾踐越王之

名事見國語史記云子貢說越王勾踐曰王誠能發卒佐之以重寶而悅其心卑辭以尊其禮此聖人所謂屈節求其達者也越使大夫文種頓首言於吳王曰越悉境內之士三千人以事吳吳王告子貢曰越

王欲身從寡人可乎子貢曰悉人之眾又從其君非義也吳王乃受越王辛謝留勾踐

大國不過欲兼畜人小國不過欲入事人兩者各得其所欲故大國者宜為下

衍義云小國贊貢賦

鈔執贄也周禮云以禽作六執以等諸臣孤執皮帛卿執羔大夫執鴈士執雉庶人執鶩乃免之屬工商執鷄

衍義云春秋魯文公三年公如晉

鈔魯文公三年公如晉及晉侯盟晉侯饗公賦菁菁者莪菁菁者莪詩小雅云取莊叔以公降拜謝其以公曰小國受命於大國敢不慎儀君貺之以大禮何樂如之抑小國之樂大國之惠也晉侯降辭

登成拜保運上成拜禮公賦嘉樂嘉樂詩大雅云德宜民宜

衍義云襄公元年衛子叔晉知武子來聘左氏以禮也

鈔春秋襄公元年冬衛子叔晉知武子來

聘禮也凡諸侯即位小國朝之小事大也大國聘焉大事小也以繼好結信誼事補闕禮之大者也聘猶通也禮以安國家刑民人為大

道德真經衍義手鈔卷之十六

道德真經衍義手鈔卷之十七

五拳清安逸士王守正集

墨三

道者萬物之與善人之實不善人之所保

道者萬物之與善人之實不善人之所保

衍義云萬物資始

鈔易經乾卦象辭云彖曰大哉乾元萬物資始乃統天雲行雨施品物流形大明終始六位時成時乘六龍以御天乾道變化

各正性命柔者斷定一卦之義所以右為元是乾德之首故以元德配乾釋之大哉乾元者陽氣浩大乾體廣遠又以元大始

故立天子置三公雖有拱壁以先駟馬不如坐進此道生萬物故曰大哉乾元萬物資始

坐進此道

衍義云立天子置三公

鈔四海之大萬有之殷厥初生人不可無

主故立君以牧之天子者尊事上帝父事於天母事於地曰天之子也一人不可以

廣理置百官以臨之故天子乃有三公焉尚書周官云其惟三公論道經邦太師者

智足以為泉源行足以為儀表問焉則應

求焉則得謂之太師亦曰尚父太言大也為王之師安車青蓋金印紫綬太傅者訓也保也大戴禮云傳天子以德義若天子無恩於父母不惠於庶人失禮於大臣不中於制獄皆太傅之失職也太保者保倚也任也大戴禮曰天子處位不端受書不敬語不序聲音不中律進退即席無升降

揖讓之禮皆太保之失職也

衍義云兩君相見皆有贊幣之禮

鈔周禮之文以六禽為贊幣作兩君相見之禮已具於六十一章今不重錄

衍義云若春秋僖公三十三年秦師及滑鄭商人弦高

鈔春秋僖公三十三年秦師伐鄭及滑鄭商人弦高將市於周過之以乘韋韋也先

牛十二乘四韋先韋牛也古者將犒師曰

寡君聞吾子將出師於弊邑敢犒從者不

腆腆厚也弊賦為從者之淹止則具一日之積行則備一夕之衛且使遽告於鄭因

有備焉